

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

S. D. omnibus lecturis has literas

[urn:nbn:de:bsz:31-312770](#)

Eximia pietate & doctrina prædito, D.

Gabrieli, pastori Ecclesiæ Torgensis, amico suo præcipuo,

S. D. Hic sacerdos mancus, mihi & ceteris, qui hic sunt, diu notus fuit: manum in quadam rixa sine sua culpa amisit, ut aulici sciunt. Habet uxorem & filiam, pias & pudicas, & sub nobilibus duxerit uiuit. Diu disputatum fuit ante hoc tempus, an, quia mancus esset, posset fungi ministerio. Et concessum est, ut fungeretur: & scimus mediocrem industriae eius esse. Rogamus, D. Pastor doctor Pomeranus et ego, si Ecclesia in Vthusen opus est pastore, ut de hoc bono homine deliberes. Bene uale. Die 6 Iulij, Anno 1542.

Philippus Melanchthon;

S. D. omnibus lecturis has literas.

Ego Philippus Melanchthon testor, hunc honestum & doctum virum hospitem, natum in Pannonia, Christophorum Lippensem, amplius biennio in Academia Vitebergensi, summa cum laude modestie & diligentie in literis cōmoratum esse. Studiose autem didicit Latinam & Græcam linguam: & ut fontes cœlestis doctrinæ ei patērent, attigit Ebræam linguam. Ingressus igitur in studia Philosophia & doctrinæ Ecclesiasticae, in uiroq; genere
it;

ita profecit, ut usui Reipublicæ alijs erudiendis es-
se poscit: ac de doctrina coelesti piè amplectitur cō-
sensum catholice Ecclesiæ Dei, quem & nostra Ec-
clesia sequitur, ac à fanaticis & seditionis opinioni-
bus abhorret. Cum autem bellum ad Albim motum
fugeret, & loca tranquilliora quaesturus esset, ne
quis de eius peregrinatione secus suspicaretur, hoc
discedenti ex nostra Academia testimonium dedit: &
adfirmo eum honestis moribus præditum esse, &
doctrina rectè institutum. Quare & omnes hone-
stos homines adhortor, ut officia modestis hospiti-
bus debita, huic Christophoro etiā præsent: quod
& Deo gratum est, & cōueniens communi homi-
num societati, & naturæ fœderi, ut cum peregrina-
tio propter doctrinā & multas alias honestas cau-
sas necessaria sit hominibus, & simul plena laborū
& periculorum, iuuentur & tegantur exteri, qui
probabiles causas habent itinerum. Sicut & uete-
res, qui iusticiæ officia magis intellexerunt & co-
luerunt, diligenter præcepérunt beneficentiam er-
ga hospites, & quidem eos Deo curæ esse scrip-
runt. Notum est illud Homeris,
ζεύς τ' ἐπιτιμάτως, μετάθεων, τε ξενῶντες,
ξείροις, ὃς ξείροις προσδοκοῖσιν ὅπουλα.

Date Viteberge, Die S. Martini Pannonijs,

Anno 1546.

S. D.